



वर्षाः १९९९

संस्थाः १९९९ पत्र-पत्रिका मन्त्रालय

नेपाल साहित्य अकादेमी

दूरभाषण सुविधा सुलभता

तामाङ भाषा त्रैमासिक बुलेटिन

दिङ १, क्योङबो २, पृष्ठ ८, माघ-चैत २०८१, तापा-नाम्दुङ २८६१, January 2025–April 2025



तेपाःताम

तामाङ समुदाय नेपालला याखारिगि समृद्ध थैन माउलिक डोसेबा थोबा समुदाय हिन्ना, चुला ग्योङ, ग्योङकाङ, धर्म, रिमिठिम थैन केवाज्यो ह्योङरिन अनमोल सम्पदा हिन्ना। बागमती प्रदेशरि ल्हानान मुबा तामाङ समुदायलला ऐतिहासिक, सांस्कृतिक थैन सामाजिक योगदान क्योङआखाम्बा दोना मुला।

चुनोन सन्दर्भरि, बागमती प्रदेश सरकार रिमिठिम थैन पर्यटन मन्त्रालयसे तामाङ समुदायला ग्योङ, सांस्कृतिक थैन ऐतिहासिक सम्पदा उजागार लाबा उद्देश्यसे तिबा तामाङ ग्योङरि तेबा चु लासोमला बुलेटिनला डिह्छा बो डोखेन हेम्बोरखे डोन्छाङ प्रस्तुत लाबारि याङ्मा डानि आउदिन ताङ्बा मुला।

गिक्खा बोसे डोखेन वर्ग्याम याङ्बा ज्याबा प्रतिक्रियासे डान्दा ल्हानान उत्साहित स्होबा मुला। बुलेटिनला स्ह्येयाम डान्छेबागमती सरकारला गतिविधि, समसामयिक नुकादेला ख्याम तामाङ सभ्यता, ग्युङल थैन रिमिठिमला ल्होला पक्षकादेदा उजागार लासिकेन निबा सेम मुला। चुयाम खाबा पुस्तादा ह्योङला ग्योङ थैन रिमिठिमफरि गर्व लाबा थैन डोसेबा सोना लाबारि प्रेरणा पिन्सेला मुला बिबा विश्वास किन्बा मुला।

तामाङ ग्योङला ख्युङ्ग्या थैन ल्हेङ्ग्या ह्याङ मुतेबाला साभा जिम्मेवारी हिन्ना। सरकारसे ह्योङला तर्फ्याम लाबा प्रयत्नला ख्याम ग्योङदा छेन्बो थान्बारि नागरिक तह्येयाम छेरुवा खाबारि ओतेबान आवश्यक मुला। मन्त्रालययाम तेबा चु बेलेटिन थैनोन ख्योरिक्यार वाङ्बा जाजा तासाङ महत्वपूर्ण गोङ्मा हिन्ना।

लिच्छारि बुलेटिन डिक्लाबा थैन तेबा गेरि ह्यो लासुह्युबा मुतेबा खेन्ग्यो, बिखेन थैन शुभेच्छुककादेदा थुजेछे फुल्ला। डानि मुतेबा डोखेन वर्गदा चु बुलेटिन ह्युबा बाबुस्हे डोसि सुभावा, प्रतिक्रिया थैन योगदानला लागि ड्योङ्गसाङ लाबान भन स्तरीय बाबुस्हेला ख्याम बुलेटिनदा थैनआथान्ना इहाच्छा बोर्बा प्रतिबद्धता लाला।

बागमती प्रदेश सरकार
रिमिठिम थैन पर्यटन मन्त्रालय
हेटौडा, मकवानपुर

फापारे ह्योङला महत्व

यकिना अगाध



चु दुङरि ह्याङला समाजरि फापारे ह्योङ स्यान्दो बिमा याङ्बा ह्योङला लिंरि किन्बान मुला। जात्रामात्र, स्यान्दो ह्योङ, मेलापात, छे सिङ लामा बिना बाजा सजिलोन कोबा चु ह्योङला गाम्भिर्यता खास नोन आरेबा म्राङबाकेन मुला। क्यालो थैन छेडछाडरि केन्द्रित ताबान निबा चु ह्योङ फापार ह्योङ याङ्बा ताबा कारन फापारे बिबा हिन्ना बिबा जमात नोन ल्हेसिकेन निबा म्राङमुला। तामाङ ह्युल्लारि खाजिबाङ दुङरि आउदिन महत्व पिन्बा चु ह्योङ दाते लेबा (हेय) दृष्टिसे च्याबान मुला आसेम चुराङबा ह्योङमि खाल्दामानसे कोला म्हाले बिबा मानसिकता छार्बाकेन मुला। सरसरति च्यामा चु ताम स्वभाविक म्राङसाङ नोन देन्बा दोङरापला पृष्ठभूमि बिसाम फरक मुला।

जाम्बुलिङ ठ्वाङबा, जिवला विकास थैन मिह केबा जादुमय तरिकायाम तिक्युरि ताबा आहिन। चु ल्हानान हेङ्बा प्रक्रियायाम दोबा ताम भुगर्भ थैन जिव बैयानिकजुगुसे पाङ्बा मुला। ल्होलो धार्मिक दर्शनजुगुसे नोन ह्योङला दृष्टिकोनसे ख्युपे दोना मिहला विकास ताङ्गला गतिदा दुङरि म्हाङ्गला म्राङमुला। दुङगे युग्याम सामन्त युगदोना दोगामा मिहजुगु मुल ब्लिग्याम फेजेक्खे आफेनि, हुङ थान्बा चरनरि सुताङ दोजि। चुराङ लासि च्यामा मंगोलमुलरि मुबा याखारिगि मुल मध्ये तामाङ ए गिक्खे हिन्ना। दातेला नेपालला हिमालि थैन याम्बु उपत्यका क्युरुरु हेङ्बा दुङ थामा हेन्से हुङ थैन स्वांगेभाङ

संस्कारला विकास लासि तामाङला पुर्खासे स्यान्दो जात बिमा ह्योङला छुट्टोन डोसेका स्होबाला लागि ह्योङलान समाज स्होङि। ह्योङलान निरति नियम, कानून, संस्कार, रिमिठिम, गोङलो, बाजागाजा स्होङि। पुर्खा स्होङिन्बा चुनोन डोसेबाला आधाररि दाते तामाङ हिन्ना बिसि डोसेखाम्बा मुला। तामाङला डोसेना लाबा मध्येरि गिक्खे हिन्ना फापारे ह्योङ।

बिबा दोङरापला विकास ताबा ल्हानान दुङ ताजिन्बा आरे। जुन जुन राज्यरि बिबा दोङराप तिजि थेरि नोन राजनितिक द्धन्द, राज्यसत्ता पोबारि दोङराप बिबाला दुङ केन्द्रित ताजि। चुला कारन जाम्बुलिङला ह्युल्लजुगुरि चिबा जात जातिजुगुला दोङराप बिबा गेमि ल्हानान गाङ्बा लिच्छा तिजि। ह्योङला ह्योङला अविक्सित थैन दसक सोम इहाच्छादोना एकतन्त्रिय सासन व्यवस्था मुबा चु ह्युल्लरि राजनैतिक दोङरापमि ठिकठगसे ताबारि आखाम्मि बिसाम जात जातिला बारे चर्को बहस रेबा ताङरि जेक्खे ल्होलो जात जाति, आदिवासि थैन जनजातिजुगुला दोङरापप्रति चासो दोबा म्राङमुला। तासाङ जात जातिला दोङराप म्हाङ्गारि वाङ्बा तिलाङ अभियन्ताजुगुसे द्धान्दात्मक भौतिकवादि दृष्टिकोन बिमा अतिवादि दृष्टिकोन थोबा कारन मनोगढन्ते थैन अतिरिन्जित ब्याख्या लासि वातावरन नोने अन्यौलरि ताना लाबारि म्हाङ्गिमुला। चु तामरि ह्योङ सचेत ताबारि आवश्यक मुला। चुसे जात जातिला इहाउला उपलब्धमुलक दोङरापदा सोना ल्हेना आहिन बोबा (ध्वंस) गेदा छार्ना लाला। तामाङ जातिला दोङरापप्रति सेम किन्बा अभियन्ताजुगुरि नोन चुराङबान समस्या मुला ओम थैनिकादे मिह थैन राज्यसत्ता विकास प्रनालिदा गोनोन आगोना वा गोसाङ आगोबाह्योङ लासि ह्योङ्गुसि ब्याख्या लाचिबा मुला।

सांस्कृतिक प्रिबासे ह्याइदा जाम्बुलिङरि डोसेना लामुला : लोन्पो ठकुरी

काभ्रे। औद्योगिक मेला महोत्सव प्रतिष्ठान नेपालला इयोइसाडरि बनेपारि राष्ट्रिय सोनाम ल्होछार मेला महोत्सव २०८१ दाईजि।

रिमठिम थेन पर्यटन लोन्पो विमल ठकुरीला ग्रेनडोन्बोरि खेला १५ गतेहेन्से १७ गतेदोना ल्होछार मेला ताबा मुबा।

ग्रेनडोन्बो लोन्पो ठकुरीसे नेपालला ह्युलठिमसे मुतेबा जातजाति, धर्म, रिमठिमला ह्य्याम स्यान्दो नुररि लेबाफेबा आलाना च्योच्यो व्यवहार सुनिश्चित लाबा मुला बिर्सि पाईजि।

‘बागमती प्रदेशला जनसंख्याला आनुपातरि चु थुमरि लहाना मुबा तामाङ जातिसे दाइबा राष्ट्रिय प्रिबा सोनाम ल्होछार थेन चुला महत्व पौराणिक दुइहेन्से तिनिदोना आउदिन महत्वपूर्ण मुला।’ लोन्पो ठकुरीसे पाईजि, ‘चु प्रिबाला महत्व थेन आस्थादा प्रचार प्रसार लाबारि मन्त्रालय सातान प्रतिबद्ध मुला।’

थेसे ह्याइला ल्होलो धार्मिक थेन माउलिक



सांस्कृतिक प्रिबाकादेसे ह्याइदा जाम्बुलिङ गुडरि डोसेना लाबासे लामा चुहाइबा महोत्सव गेताडकादे

लाबारि बागमती प्रदेश सरकार रिमठिम थेन पर्यटन मन्त्रालय सातान प्रतिबद्ध मुबा ताम थाजि।

कुशेश्वर महादेव थुमला विकास ख्युछ्या थेन ल्हेछ्या लाला : लोन्पो विमल ठकुरी



सिन्धुली। कुशेश्वर महादेव थुमला विकास ख्युछ्या थेन ल्हेछ्या ओसेम प्रचार प्रसार लाबारि हाड प्रतिबद्ध मुबा सेमताम रिमठिम थेन पर्यटन लोन्पो विमल ठकुरीसे पाइबा मुला। दुन्जाला कुशेश्वर महादेव लाथानला खाइगारि खेला १३ गतेहेन्से १५ गतेदोना ताबा क्षमाछ्योकु थेन रुद्राभिषेक गेताडरि बोकिन्बान लोन्पो ठकुरीसे प्रतिबद्धा पिन्बा हिन्ना।

छ्योकु थेन होम गेताडरि बोकिन्बाला ह्य्याम लोन्पो ठकुरीसे होनय्याम क्षति ताबा लाथानला ल्होलो भौतिक संरचनाकादे नोन च्याबा मुबा।

निबा म्हेनिङ लारि ताइबा ग्रेन नामला कारण लाथान थेन लाथान थुमरि ग्रेन क्षति ताबा मुबा।

क्षतिला विवरण च्यामाहेन्से लोन्पो ठकुरीसे हाइला रिमठिम थेन पर्यटन मन्त्रालय य्याम चु लाथानला विकास, ख्युछ्या थेन ल्हेछ्या ओसेम प्रचार प्रसार लाबा प्रतिबद्धता पिन्बा हिन्ना। थेसे चु दुइसाडरि पाईजि, ‘चु लाथानला महिमा थेन दोड्रापला प्रचार प्रसारला ह्य्याम धार्मिक पर्यटनला दोखाडला लिरि विकास लाबारि मुतेबा पक्षतेन डाला म्होइजेन मुला।’

पर्यटन थुमला सरोकारवालाजुगुतेन अन्तरक्रिया

चितवन। रिमठिम थेन पर्यटनलोन्पो विमल ठकुरीला चोहोदानरि मन्त्रालयला दिङ गाइसाल क्योइका गेताड थेन पर्यटन थुमला सरोकारवालाकादेतेन खेला १५ गतेहेन्से १७ गतेदोना अन्तरक्रिया गेताड ताबा मुला।

गेताडरि मन्त्रालय थेन मन्त्रालयला यारि मुबा गेदिमकादेय्याम चालु न्होर दिङला दिङगाइसाल दुइरि जिन्ना लाबा गेताड थेन योजनाकादेला फेबाफेबा प्रगति क्योइका लाबा मुबा।

लोन्पो ठकुरीसे गेताड जिन्ना लामा ब्राइ बा चुनाउतीकादेला क्योइका लाबान खाबा रेकादेरि जिन्ना लातोबा गेताडकादे दुइन्हाडरिन जिन्ना लाबारि मन्त्रालयला शाखाकादे थेन यारि मुबा गेदिमकादेदा निर्देशन लाजि।

ह्य्यामरि, चितवन थुमला पर्यटन उद्योगी, छोइनाम, थेन पर्यटन थुमतेन सम्बन्धित सरोकारवालाकादे ओसेम गैरसरकारी निकायकादे गुडरि दाते ताबा गतिविधिजुगु पर्यटन छोइनामरि ब्राइबा चुनाउती थेन थेला समाधानला लागि लाबा प्रयास थेन लातोबा पहल कदमीकादेला नुररि काउडु ओसेम अन्तरक्रिया सुताइ ताजि।

प्रभावकारी ल्हुइथाङ सेवा पिन्बारि प्रदेश सरकार प्रतिबद्ध : लोन्पो किरण थापा



हेटौंडा, खेला ९। बागमती प्रदेशला ल्हुइथाङ लोन्पो किरण थापासे प्रभावकारी ल्हुइथाङ सेवा पिन्बारि प्रदेश सरकार प्रतिबद्ध मुला बिसि पाङ्बा मुला।

न्हाबिडरे हेटौंडारि लायन्स ऋतम्भरा वैकल्पिक ल्हुइथाङ प्रतिष्ठानला पुनर्भा अस्पताल भवनला द्वाइसेन लाबान लोन्पो थापासे हेटौंडा जेख्खे आताना बागमती प्रदेशला मुतेबा अस्पतालरि सेवाग्राहीला भिड ब्राड् बारि चुबा बिसि पाङ्जि। प्रदेश अस्पतालसे पिन्बा सेवा प्रवाहीर सेवाग्राहीला विश्वास ल्हेसिकेन निबा थेला दाबी मुला।

'प्रदेशला मातहातला अस्पतालकादेरि पिन्बा सेवा प्रवाह विश्वासनीय थेन गुणस्तरीय तासिकेन निमाहेन्से सेवाग्राहीकादेला भिड ब्राड्बारि चुबा मुला', थेसे पाङ्जि, 'प्रदेश अस्पतालकादे ग्याम अभ्र सर्वसुलभ थेन गुणस्तरीय सेवा कार्पिस पिन्बारि डानि प्रतिबद्ध मुला।'

लोन्पो थापासे प्रदेश अस्पतालकादेरि गुणस्तरीय

सेवा पिन्बाला लागि योजना काप्बा ताम थान्जि। थेसे ल्हुइथाङ सेवारि हेटौंडासे इहाउरि बिमा फड्को छेप्बा दाबी लाबान हेटौंडा अस्पतालला मदन भण्डारी ल्हुइथाङ विज्ञान प्रतिष्ठानरि बामाहेन्से अस्पतालसे पिन्बा सेवा सुधार ताबा पाङ्जि।

रिफर सेन्टरला लिंरि डोसेबा हेटौंडा अस्पताल प्रतिष्ठानला यारि खामाहेन्से खेन्पो सेवा काप्बाकेन लामा अस्पतालला सेवा प्रभावकारी दोबा थेला सेमताम मुबा।

लोन्पो थापासे आयुर्वेद अस्पताल थेन मि अस्पतालकादे ल्हेना लाबा नोन प्रदेश सरकारला प्राथमिकतारि मुबा उल्लेख लाबान प्रदेशला मुतेबा जोडकादेरि आयुर्वेद अस्पतालकादेदा व्यवस्थित लिंरि संचालन लाबा थेन तिलगंगा मि प्रतिष्ठानतेनला ह्योगेरि मुतेबा जोडला मिला उपचार सेवा दोना लासेला पाङ्जि। थेसे पुनर्नभा अस्पताल स्होबारि व्यक्तिगत लिंरि बुम गि न्होर होलाबा घोषणा नोन लाजि।

बागमती प्रदेश गिक्छा ग्योइकाइ महोत्सवला लागि काठुइ



धादिड। बागमती प्रदेश गिक्छा ग्योइकाइ महोत्सव २०८१ ला तयारी नुररि सरोकालवालाकादेतेन काठुइ थेन स्योमि जोम्ना निलकन्ठ नगरपालिकारि ताजि। बेने ३ गतेहेन्से ५ गतेदोना ताबा गेताडरि रिमाठम थेन संस्कृति लोन्पो विमल ठकुरी ग्रेनडोन्बो मुबा।

लोन्पो ठकुरीसे ग्युइल, ग्योइ ग्योइकाइदा सानाछाना लाबा नुररि रिमाठम थेन पर्यटन मन्त्रालय बागमती प्रदेशला लागि नौलो थेन गिक्छा ताबासे लामा चु गेताइदा सफल ताना लाबारि सुभाव ह्विबा मुबा।

काठुइरि लोन्पो ठकुरीसे नुरतेन सरोकार थान्बा सरोकारवाल, गेन्दुनला प्रतिनिधिजुगुतेन महोत्सवला खाका स्होबा थेन मोडलकादेफिरि सुभाव पिन्बा थेन चुला प्रचार प्रसार लाबाला लागि म्होइजेन लाबा मुबा।

ल्हुइथाङ गेन्दुनरि कोला न्हाबाला संख्या च्याङ्जि

मकवानपुर, नाम्दुङ ३१ गते। मकवानपुरला विकट नाम्सारि ल्हुइथाङ गेन्दुनरि कोला न्हाबाला संख्या च्याङ्जि सिकेन निबा ताडरि मुबा स्याप्बा मुला।

ल्हुइथाङ गेन्दुनरि कोला न्हाबारि स्थानीय तहसे प्रोत्साहनला गेताड स्याङ्साइ नोन मकवानपुरला कैलाश गाउँपालिकारि ल्हुइथाङ गेन्दुनरिबिमा दिमरिन कोला न्हाबाला संख्या ल्हेबा याङ्बा हिन्ना।

लिच्छला दुइरि दिमरिन कोला न्हाना लाबाला संख्या ल्हेचिबा मुला। जोडनाड दिमरिन कोला न्हाबाला संख्या १०४ म्हे मुबारि कैलाश गाउँपालिकारि जेख्खे दिमरिन कोला न्हाबाला संख्या ४४ म्हे मुबा ह्युलल्हुइथाङ गेदिम मकवानपुरला गेदिम प्रमुख कृष्णबहादुर मिजारसे जानकारी पिन्जि। थेसे १२ हप्तारि ताबा गर्भ जाँचरि पालिकारि चालु आर्थिक दिडला निबा बेने दोनारि ६०.८६ प्रतिशत थेन निबा आर्थिक दिडरि ९९.२२ प्रतिशत मुला।

'कैलाश गाउँपालिकारि ल्हुइथाङ गेन्दुनरि कोला



न्हाबाला संख्या च्याङ्जिसिकेन निबा मुला', गेदिम प्रमुख मिजारसे पाङ्जि, 'कैलाशरि निबा चालु आ.व.ला बे नेदोनारि ४२.७४ प्रतिशत थेन निबा आ.व.रि ४९.९ प्रतिशत मुबा।'

पालिकारि इयोइसाड लाबा सुक्षित मातृत्व थे न छारकेबा लाइनु ल्हुइथाङ सम्बन्धी गेताडरि थेसे ल्हुइथाङ गेन्दुनरि खाबा संख्या च्याङ्बा बिसि पाङ्बा हिन्ना।

ल्होछार तामाङला जेकखे
आताना ह्युललान प्रिबा
हिन्ना- मुख्यलोन्पो
बहादुरसिंह लामा



याम्बु। बगमती प्रदेशला मुख्यलोन्पो बहादुरसिंह लामासे ल्हाछार तामाङला जेकखे आताना ह्युललान प्रिबा हिन्ना बिसि पाङ्गु बा मुला। थेसे ल्होछार प्रिबा जाम्बुलिङला ल्हानान ह्युलरि प्रमुख लिंरि तेन्बा लाबा ओम ल्हो तामाङ परम्परा थेन रिमठिमला याखारंगि फेआखाम्बा अंग हिन्ना बिसि पाङ्गु।

नेपाल तामाङ घेदुङला संयोजनरि याम्बुला टुँडिखेलरि माघ १६ हेन्से मन्जुश्री सम्वत २०६१ डुल ल्होला सोनाम ल्होछारला दुइसाङ्गि सोमरेला ल्होलो गेताङ्गु ताचिबा मुला।

चुपाल्छेला गेताङ शितल निवासयाम राष्ट्रपतिसे ठ्वाङ्गेन लासि तिबा मुबा। दाते याम्बुलि जेकखे आताना याम्बु ख्यारख्युरतेन ल्होलो जिल्ला, नाम्सा नाम्सा ल्होछारला दुइसाङ्गि गेताङ्गु ताचिबा मुला। स्यान ह्युलरि दोबा तामाङ्गुसे थे ह्युलरिक्कार नोन सांस्कृतिक गेताङ्गु लासि ल्होछारदा व्यापक तेन्बा गे लाचिबा मुला।

चेपाङ चिबा दिम स्होबाला लागि गोर डु तेन सम्भौता



मकवानपुर, बेने १२ गते। बगमती प्रदेश सरकारला चेपाङ आवास गेताङ्गोरि मकवानपुरला कैलाश गाउँपालिकारि स्होसेला दिम स्होबाला लागि गोर डुतेन सम्भौता ताबा मुला। लानिरे गाउँपालिका चोहो लोकबहादुर मुक्तानला चोहोदानरि चिबा चिसाङ्गि थेन्तेन सम्भौता लाबा हिन्ना।

बगमती प्रदेश सरकारयाम चेपाङ, वनकरीया, बोटे, माभीला गिक्खे नाम्सा थेन चिबा दिम गेताङ न्हाङ्गि चु सम्भौता लाबा हिन्ना। लाभग्राहीकादेदा लक्षित लाबान गाउँपालिकाला चोहो मुक्तानसे गेदिमला मापदण्ड आन्सारला दिम स्होबारि म्होइजेन लाजि।

सम्भौता लाबा, गे आलाबा छुट खालाइदा आताबा विबान थेसे ह्वाङ्गि चिबा लासि दिम स्होबारि म्होइजेन लाजि। 'राज्यसे दिम स्होबाला लागि लगानी लासि ह्यो लाबा हिन्ना। गे लामा प्राविधिक पक्षदा नोन ख्याल

लासि गे लातोला' थेसे बिजि, 'राज्यला लगानी सदुपयोग ताना लासि ह्वाङ्गोन चिबाला लागि दिम स्होउ।'

प्रदेश सरकारसे गेविधि स्होसिन नाम्सा थेन चिबा दिम स्होबारि तिबा मुला। सिफारिस ह्वाङ्गि बमोजिम चालु आ.व.रि कैलाश गाउँपालिका ३ ला गोरसोम थेन वडा नं. ४ ला गोर सोम लासि गोर डु म्हेला पिन्जि सिफारिस ताबा चोहो मुक्तानसे जानकारी पिन्जि। चु इ हाच्छा निबा आ.व.रि २५ म्हेसे सम्भौता लाबा मुबा।

चोहो मुक्तानला आन्सार लाभग्राहीसे १२-१२ ला कोठा इह दिम स्होतोबा मापदण्ड मुबा कैलाशला फोकल पर्सन सुदर्शन दवाडीसे जानकारी पिन्जि। कोठा इहला भवनतेन ख्याम समभौता आन्सार शौचालय सुताइ स्होतोबा थेला सेमतेन मुला। लाभग्राहीसे किस्ता सोम लासि ३ बुम ८४ तोङ्गा न्होर याङ्गुसेला मुला।

बागमती प्रदेश सभा : प्रदेश क्लाङ्गुयोड डिकलाबा विधेयक सर्वसम्मत पारित

मकवानपुर, खेला २६ गते। बगमती प्रदेश सभाला कामरेकुनु चिबा इहछा चिसाङ्गि प्रदेश क्लाङ्गुयोड विकास पेठिम २०७५ दा डिकलाबारि स्होबा विधेयक ०८१ सर्वसम्मत पारित लाबा मुला।

चुतेन ख्याम बागमती प्रदेशरि दिङ डिङ लिच्छा इहाच्छाला सामाजिक विकास मन्त्रालयरि मुबा छारिब्योन थेन क्लाङ्गुयोड सम्बन्धी जिम्मेवारी क्लाङ्गुयोड मन्त्रालयला यारि खाबा मुला। कामरे चिबा प्रदेश सभाला चिसाङ्गि थे विधेयक सर्वसम्मत पारित लाबा हिन्ना।

चुइहाच्छा प्रदेशला छारिब्योन थेन क्लाङ्गु योड लोन्पो मीनकृष्ण महर्जनसे थे विधेयक दफा(बार काठुइला लागि प्रदेश सभा चिसाङ्गि



पेश लाबा मुबा। थे विधेयकफिला काठुइरि बोकिन्बान प्रदेशसभा ह्योमिह रत्नप्रसाद ढकाल थेन छिरिङ दोर्जे लामासे विधेयकफिरि धारणा थान्बा मुबा।

विधेयकफिरि काठुइला ताङ्गि रेबा इ योइबाकादेला निसाल पिन्बान लोन्पो महर्जनसे प्रदेशसभा ग्याम स्वीकृतिला लागि निणयार्थ पेश लाब मुबा। लोन्पो महर्जनसे पेश लाबा थे डिकलाबा विधेयकदा सदनसे सर्वसम्मत पारित लाबा मुबा। वागमति प्रदेशसभा सचिवालयला आन्सार पारित ताबा विधेयकसे प्रदेश प्रमुख दीपकप्रसाद देवकोटाग्याम प्रमाणीकरण ताबाहेन्से पेठिमला लि किन्सेला मुला।

दिङ सोमहेन्से लेखा परीक्षण थेन साधारणसभा आलाबा सहकारीदा नियन्त्रण लाबारि बागमती सरकारला प्रतिबद्धता

हेटौंडा, बेने २८ गते । बागमती प्रदेश सरकारसे सहकारी समस्या हल लाबारि लेखा परीक्षण थेन साधारणसभा आलाबा सहकारीदा नियन्त्रण लासेला तामुला ।

प्रदेशला सहकारी थेन गरिबी निवारण मन्त्रालयसे दिङ सोमहेन्से लेखा परीक्षण थेन साधारणसभा आलाबा सहकारीकादेला जोखिम नियन्त्रण लाबारि भुमिका निर्वाह लासेला ताबा हिन्ना ।

न्हाबिडे हेटौंडारि 'सहकारी थुमारि ब्राड्वा समस्या समाधान थेन दुइसाड' नुरि प्रदेशस्तरीय गोष्ठी लाबान मन्त्रालयसे सहकारी समस्या हल लाबारि ७ बुँदे साभा अवधारणा सुताइ जारी लाबा मुला ।

सहकारी गेन्दुनछेन, सहकारी बैंक, प्रदेश सहकारी छे न, प्रदेश बचत थेन छे सहकारी छेन, प्रदेश कृषि सहकारी छेन, १२ वटान जोड सहकारी छेनकादे थेन १३ वटान जो ड बचत थेन छे सहकारी छेनसे थे अवधारणास्यो आन्सार समाधानरि प्रतिबद्धता पिन्बा मुबा ।

प्रतिबद्धता आन्सार सहकारीरि सुशासन ल्हेछ्याग्याम गुणस्तर ल्हेना लाबाला लागि ल्होलो गेताडकादेरि बो किन्पुड्वा कुल्बा जारी लाबा थेन बजेटला डिङ्ग्या लासे ला मुला । सहकारी अभियानसे जिम्मेवारी किन्सि गेन्दुनदा सुशासित लाबारि गेताडला सहजीकरण लाबा प्रतिबद्धता लाबा मुला ।



थेहाङ्गोन, समस्यारि परतिबा सहकारी गेन्दुनकादे ला डोसेसि अनुगमन प्रभावकारी स्होबा थेन समस्या समाधानला लागि काठुइ लासि इहाच्छा वाड्बा अवधारणा स्योरि उल्लेख लाबा मुला । सहकारी गेन्दुनला लिब्रो परतिबा उजुरीला नुरि नियामक निकायसे छेनदा जानकारी पिन्सि प्रभावकारी यान्पाड प्रक्रिया किन्सेला पाड्बा मुला ।

प्रदेश न्हाङ्गला सक्रिय छेनकादेला साभा गेताडला

देनःरि सहकारीला तथ्यांक पोष्वा, डिङ्ग्या लाबा थेन ते :बा, केनालाबातेन थुड्वा सहकारीला समस्या समाधानरि नियामक निकायतेन परामर्श लासि सहजीकरण लाबा, प्रदेशला बस्तस्थिति थेन तोबाला देनःरि प्रदेश सहकारी पेठिम थेन नियमावली डिङ्ग्याला लागि जिम्मेवार भुमिका निर्वाह लाबा, संघीय पेठिमला डिङ्ग्यासे सहकारी अभियानरि परतिबा नकरात्मक प्रभावदा प्रभावकारी पैर वीला स्हेग्याम निरुपण लाबा प्रतिबद्धता पिन्बा मुला ।

गेडिक्लाबा क्योड्काला प्रतिवेदन पेश लाबारि लोन्पोकादेदा मुख्यलोन्पो लामाला निर्देशन

हेटौंडा, नामदुङ ५ गते । बागमती प्रदेशला मुख्यलोन्पो बहादुरसिंह लामा तामाङसे प्रदेशला लोन्पोकादेतेन चालु न्होर दिङ्ग्या गे प्रगतिला क्योड्का लाबा मुला । मुख्यलोन्पो लामासे लानिरे प्रदेश सरकारला चालु आ.व. ०८१/८२ ला विनियोजित बजेट थेन गेताड कार्यान्वयनला दुईफिरि विभागीय लोन्पोकादेतेन क्योड्का लाबा हिन्ना ।

मुख्यलोन्पो लामासे प्रदेशरि ब्राड्वा राजश्व हुष्बाला समस्या, चुनाउती थेन डिङ्ग्या, गेडिक्लाबा सम्भौता आन्सार लिच्छला ला ब्रेला प्रगति विवरण, राजधानी खलामा लोन्पोकादेसे मुख्यलोन्पो गेदिमला इ हाच्छा स्वीकृति किन्वा, हप्तारि बिलिरे थेन गाउराइ इहारे अनिवार्य हेटौंडा चिबा, लोन्पो थेन कर्मचारीला हिक्पा, सचिवालयला नियन्त्रण, भ्रष्टाचार, अनियमितता काबा ह्राड्वा नुरि काठुइ ताबा मुबा ।

थेसे विभागीय मन्त्रालयला प्रगति क्योड्कातेन गे स्याड्बाला सन्दर्भरि ताचिबा प्रगति थेन ब्राड्वा समस्याकादेबारे सुताइ काठुइ लाबा मुबा । काठुइरि मुख्यलोन्पो लामासे लोन्पोकादेतेन गेडिक्लाबा सम्भौता आन्सारला प्रतिवेदन पेश लाबारि निर्देशन सुताइ पिन्बा मुला । थेसे मुतेबा लारि मन्त्रालयरि गाउराइकादेतेन गेडिक्लाबा क्योड्का स्होबा थेन मुख्यलोन्पो थेन



मन्त्रपरिषद् गेदिमरि पेश लाबारि निर्देशन पिन्बा हिन्ना । थे काठुइला ताडरि लोन्पो लामासे प्रदेश सरकारला पुँजीगत खर्च ल्हेना लाबा थेन न्होर मितव्ययिता कायम लाबारि नोन लोन्पोकादेदा निर्देशन पिन्बा मुबा । चुहाङ्गोन लासि प्रदेशला लोन्पोकादे मन्त्रालय बिमा नोन जोडरिक्वारला गेताडरि ब्यस्त ताबा बिबा गुनासो थेबा बिबान साताला बिलि अनिवार्य लारि मन्त्रालयरि चिबारि लोन्पोकादेदा निर्देशन पिन्बा मुला । प्रदेश सरकार थेन संघीय संरचनादा कोङ्गना लाबारि आलोचना आरेबा गेडिक्लाबारि बाड पिन्तोबा मुख्यलोन्पो लामाला सेमताम मुबा ।

काठुइरि बोकिन्वा लोन्पोकादेसे कर्मचारी डिङ्ग्या थेन दुइ सान्दिर्भिक निर्णयला भुमिकारि ह्यो लाबारि मुख्यलोन्पोदा म्होइजेन लाबा मुला । थेन्से कर्मचारीकादे पहुँचरि खाबा थेन निबा लामा गे लाबारि समस्या ताबा गुनासो लाबा मुबा । थे काठुइरि खेला मसान्तदोना प्रदेशला चालु खर्च २९.७६ प्रतिशत थेन पुँजीगत खर्च १४.३० प्रतिशत लासि २०.१८ जेक्खे खर्चला क्योड्का लाबा मुबा । खर्च आताबा बजेट समर्पण आताबा, प्रदेशला राजश्व हुष्बा निबा दिङ्ग्या च्योच्योरि दुइ करोड ७९ बुम न्होर च्याङ्गना मुबा नुरि केन्द्रित मुबा ।

तामाङ ग्योङ बिबा प्रणाली विकास गोष्ठी ताजि

नुवाकोट । नेपाल तामाङ घेदुङसे नुवाकोटला तामाङ एग्री प्लाजा बट्टाररि तामाङ ग्योङ बिबा प्रणाली विकास गोष्ठी लाजि । नेपाल सरकारसे बागमती प्रदेशरि कामकाजी ग्योङरि तामाङ ग्योङ्दा नोन कार्यान्वयनरि बाबा सन्दर्भरि चु गोष्ठी लाबा हिन्ना ।

नेपाल तामाङ युवा घेदुङला चोहो विलाम मुक्तानला आन्सार ग्योङ इकाइ टिमला संयोजक सरोज मोह मोक्तान, ह्योङ्गु जयमान वाईबा, बिलाम मुक्तान, उषा वाईबाला इयोङ्साडरि गेताङ ताबा मुबा ।

नेपाल तामाङ घेदुङला होचोहो अकल तामाङसे डे न सेमताम थान्माहेन्से गेताङ इहाच्छा वाङ्गु मुबा । गे ताडरि तामयीग अभियन्ता प्रतीक तामाङ डेसुरसे तामाङ ग्योङ थेन ग्युङ्सेर नुररि नेपाल तामाङ घेदुङसे ह्युलनाङ अभियान स्याङ्गिचुवा मुला बिसि पाङ्गि । थेसे छिाकोष ब्रिसि मानक स्होसि जेक्खे ग्योङ सोना लाबारि आखाम, रे दाङ्गसे पाङ्गिसि चिमा जेक्खे ग्योङ सोला, चुला लागि गिक्खे न उपाय बिबा आमाग्योङरि लोप्लाडरि डोपुङ्गोला बिसि



पाङ्गि । ग्योङ्खेन्पो अजितमान तामाङसे नेपालरि तामाङ ग्योङ तोसो सोमला मुला बिसि पाङ्गि । बाह्र तेमाल, बाह्र लच्छाङ, बाह्र गोसाङ डिकना लासाम ग्योङ्गला मानकीकरण ताला बिसि पाङ्गि ।

गेताङरि घेदुङला होचोहो मनबहादुर तामाङसे थुजेछे पिन्वा मुबा बिसाम गाउराइ जयमान वाईबासे संचालन लाबा मुबा । संयोजक सरोज मोह मोक्तानसे गेताङ थुम्ना लाबा मुबा ।

फापारे व्हाइला महत्व...

ह्याङ्गसे जातिय दोडराप, संस्कार, रिमठिम थेन निति नियमदा च्याबा दृष्टिकोनएन चुनोन आधाररि स्होतोला बिबा डाइ म्हान्वा मुला । तिनिला विसय नोन डाइ चुरिक्थार नोन केन्द्रित लाब सेम मुला । तिलाइ दिन जेक्खे इहाच्छा तेज योन्जनज्युसे फापारे ह्वाइला छ्योङ तेबारि तामाङ डाजाङला डिकखेन इन्द्र घिसिङ्तेन ह्यु ताबाला चिम । इन्द्रज्युसे चु ह्वाइला सन्दर्भबारे डातेन काटुङ लास्ह युजि । चु आउदिन ऐतिहासिक गोडमा तासेला ताम डाइ थेदा पाङ्गि । डिकनालाबा जिम्मा थेसे याङ्गबासे थेला पान्डुलिपि च्याबा माउका डाए नोन स्यापिज । तासाइ थे डाइ म्हा(न्वाइडाबा गम्भिर ऐतिहासिक आरेमुबा । दाते बजाररि गोबाइडाबान फापारहाड नोन याङ्गबा फापारे पोप मुबा । ब्रिखेनतेन चुला बारे साम्लो लाम्याङ्गि । थेसे नोन चुला ऐतिहासिक महत्वदा स्विकार तिबान खाबा दिनला संस्करनरि परिमार्जन लासि बोर्सेला बाचा लालास्हिजि । चु आउदिन सकारात्मक पक्ष हिन्ना । थे सच्याप ताबारि तिल्दा तयार ताजि बिसाम थे हाङ्गोन लहुङ्गला हेडबा दुइदोना जात्रामात्ररि घन्टा, दिन थेन सोमरेदोना ह्वाइ कोबा मिह मुस्ह्युमुबा । थे दुइरि ह्वाइरि तिला तिला विषयजुगु ताबा लामुला बिबा ताम थेदा काटुङ्गसे डान्ना लाजि ।

फापारे ह्वाइ तामाङ ह्वाइ स्हेडबा दोडरापलान पुरानो ह्वाइ तातोला । मातृसत्ताला दुइरि ओम तामाङ जातिरि बाजागाजा स्हेडबा इहाच्छा चु ह्वाइला परम्परा तिबा तातोला । हिन्बाम ०४७ ला प्रजातन्त्रला पुनस्थापना इ हाच्छादोना नोन नाम्सारिक्थार तामाङजुगु मातृसत्ता पारिवारिक संरचना अन्तरगत नोन चलप ताबा मुबा । चुसे लाबा नेपालरि स्यान्दो जातजातिला क्योङ्गारि तामाङला मातृसत्ताला ज्याबा ल्हानान लिच्छा ताबारि निला कि बिबा डाला अनुमान मुला । ओसोमि तामाङ ग्योङ्ग नोन कादे पुरानो हिन्ना, चुयाम्से नोन चु ह्वाइला केबादुङ अनुमान लाबारि खाम्ला । तामाङसे स्हेडबा डम्फु बाजाला प्रारम्भिक युगबिमा दाते बोलिचालिर् मुबा ग्योङ लिच्छा म्हाङ्गि बिसाम सायद थेबिमा इहाच्छा तामाङजुगु स्यान्दोन

ग्योङ पाङ्गु लामुबा बिबा नोन प्रमानित तासेला मुला । ताम्बा, बोम्बो थेन फापारेरि मुबा कादेपय वाक्यांसजुगु दातेला चलनरि मुबा ग्योङ्तेन आडिक्वा कारनय्याम नोन चु प्रमानित तासेला मुला । चोदे जेक्खे आहिन, ह्वाइरि खाजिबाइ बाजागाजा, स्याबा आताबा थेन डाबा ब्रेबाला बाजि तामा हेमकोला ब्रेसाम भ्रिङकोलासे हाङ्ग ब्रेल्साङ ताबा हिन्साइ हेम्बो स्होसि बोरम्याङ्गबा ओम थेदा समाजसे सहर्ष स्विकार लाब(ग्याम नोन चु मातृसत्ता दुइला ह्वाइला अंस मुबा पुसिङ्ग ताला । फापारे ह्वाइ तामाङ जातिला चुराङ्गला ह्वाइ हिन्ना, जुन ह्वाइरि जाम्बुलिङला सृष्टिहेन्से लालु, केवाहेन्से सिबा दोनाला ठिम, म्हाने थेन दुर्सा पिन्वा (गाउँखाने कथा), उखान टुक्का, नाम्सादिम थेन मिहला प्रवृत्ति ओसेम छामे ब्योनला ख्यालठट्टा, प्रेम-समर्पन थेन रोमान्स, दुख थेन स्हुला बयान, आरेबा थेन प्राङ्गो, मुबा थेन सुखला बयान याखारगिन ग्लारि वाङ्गु ताला । तामाङ जातिला सकलो दर्सन नोन वाङ्गु ताबासे बिना बाजा नोन चु ह्वाइसे सात दिन सात म्हुनदोना जातुकु, छामे ब्योन, छारम्याङ, अधबैसे थेन खेप्पाखुयुदा जेक्खे आताना जात्रा च्याबारि खाबा हुलदा नोन मन्त्रमुध लासि खिसि थान्बारि खाम्बा हिन्ना । तासाइ दाते खासि हेडबा दुइदोनाला जात्रामात्र म्हासि जिन्वा मुला । हाट बजार वा म्हुङ्गिला म्हुनइहला जात्राए नोन जिवनजगतदा सेवा ह्वाइ बिमा यौनिक थेन रोमान्चक ह्वाइला बाजागाजा थेन नाचगानसे गाप्बान निबा अक्स्था मुला । अंग्रेजि, हिन्दि थेलिच्छा नेपालि ह्वाइसे बजार तोबा मुला । चुयाम जाजाकार लेडबा गाडपाखारि सेलो थेन डम्फुरे ह्वाइजुगुसे ग्ला ओगटतिबा थेन बल्ल जेक्खे याङ्गिसि निबा फापारे ह्वाइसे ग्ला याङ्गु लामुला । चु तामाङ ह्वाइ दर्सनला ग्रेन दोडरापला दुखद अवसानला संकेत हिन्ना ।

‘चरिला कामाइ दोडला नाइ, एसेमा इयान्गो पाङ्गुला डाइ...’ बोलय्याम हाङ्गु चरिहाड नोन स्वतन्त्र स्होसि कोबासे तिबा चु ह्वाइ दौतरि म्हाइबान बजाररि भाका ब्याङ्गु कोबारि म्हाइबाला डोसेबा हिला । हाङ्गुला ह्वाइ

थेन स्वाँगे न्हाङ्गुला पाराप आतागाइ बिसि चुराङ्ग लाबा हिन्ना । फापारे ताबा इहाच्छा सायद चु ह्वाइ फापा तातोला । फापारे ह्वाइ छ्योङ्गला ब्रिखेन तेज योन्जन नोइ चु विचारप्रति सहमत म्हाङ्गुला । हेडबा दिन मुगाइ कि तुन्वा दिन चलप ताबा जात्रामात्र चुरि कोमा अनुसासनला ब्यापक घेरो ताला । काइबा ब्रेल्साङ लाजिन्वा हिन्साम डामरिन हाङ्गुला भ्रिङ, आपा, आमा, ज्योज्योआले, नाना आङ्ग, नाम्साबा, डेवाडेङ्गोर थेन डोसेबाजुगु चिबा ताला । भ्रिङलाए नोन आपा, आमा, ज्योज्यो आले, नानाआङ्ग वा स्यान्दो डेङ्गोरजुगु ताला । काइमोला नोइ चुराङ्ग लासि ब्रेल्साङ लाजिन्वा हिन्साम हेम्बो छ्याम ओम आलाचिबा हिन्साम फिरि पाङ्गुला डेवाडेङ्गोरजुगु चिबा तामुला । थे डेवाडेङ्गोरजुगु रमिते, इयान्खेन जेक्खे आहिन साक्षि सुताइ हिन्ना । काइबा वा काइमो ब्रेजि बिसाम थेनोन डेङ्गोरजुगुला रोहवरि सगुन थान्सि डाबादा डेसिडेसि पुङ्गुला चलन मुबा । दाते बिसाम मिह लहुङ्गुला पोसिकेन निबा परिस्थिति, राज्यला कुनानि दायरा थेन आधुनिक जिवन पद्वीतेसे चु तामदा अस्विकृत लाला । चुराङ्ग लासि समाजदा साक्षि थान्सि ब्रेबासे लहुङ्गु पिन्तोबा वा फातोबा ताबासे ह्वाइ कोमान थेसे हाङ्गु चरिला तुलाना लाबा तातोला । जसला दिमनामला ठेगान आता । फानोन तोबा ह्वाइ ताबा कारनसे थेसे हाङ्गुला ह्वाइ थेन स्वागभाइतेन ह्वाइ आकोबा नोन ताबारि खाम्ला । पुराना खेप्पाखुयुला अन्सार चु ह्वाइ छामे ब्योन जेक्खे आताना ब्योन ब्योन गुडरि नोन कोमुबा । ब्रेबा ब्योन डाबाला म्याप्पा दोसि निबा ल्हानान उदाहरन तिन नोन सुङ्गुङ्गु मुला । थे दुइरि ग्यानला ग्रेन भन्डार आरेबाजुगु चु ह्वाइ कोबा आँट आलामुबा । चुदा दुइरि लिपिबद्ध लाबारि खाम्बा हिन्साम सायद तामाङरि महाभारत, रामायान बिबा ग्रेन छ्योङ्ग स्हेडसेला मुबा । दारेम चु सम्भव आरे । फापारे ह्वाइ कोबारि खाम्बा खेप्पाखुयु सिंसिजिन्मुला । छार थोन्वाजुगु थेन दाते लोप्लाकेन लाबाजुगु चुला चोथेबा विरासत थोबा दोडरापदा म्लेसि छामेब्योन गुडला ठट्ट्यौलि ह्वाइ जेक्खे हिन्ना बिबा गोबा मुला ।

बागमती गाउँपालिकासे वडा डिसरिन बोलाजि धार्मिक बाबुस्हे



ललितपुर । बागमती गाउँपालिकासे हाइला वडा डिसरिन धार्मिक अनुष्ठानरि तोबा स्हे बोलाबा मुला । चैत ४ गते सोमवार पालिकाला खाइगारि ड्योइसाड लाबा विशेष गेताडरि चु सामाग्रीजुगु वडा प्रतिनिधियुगुदा बोलाबा हिन्ना ।

गेताडला ग्रेनडोन्बो बागमती गाउँपालिकाला चो हो वीरबहादुर लोप्चनसे धर्मनिरपेक्ष राष्ट्र तासाइ नोन मुतेबा धर्म, रिमाठम, परम्परादा डेन लासि तोबा स्हे हो लाबा पालिकाला ठिम हिन्ना बिबिसि पाइजि । थेसे बिजि, 'धर्म निरपेक्ष राष्ट्र तासाइ नोन ह्याइला परम्परा थेन रि मिठिम, प्रिबाजुगुदा सोना लासि थान्बारी ओसेम धार्मिक आस्थादा डे लाबारी पालिकासे निरन्तर प्रयास लाचिबा मुला । खाबा रेजुगुरि नोन तोबा हो थेन ह्योगे (सहकार्य) लासेला प्रतिबद्धता लाला ।'

गेताडरि गाउँपालिकाला होचोहो भक्तबहादुर दर्लामी मगरसे नोन पालिकासे ल्होलो जाति, ग्योइ थेन धर्मला समुदायजुगुदा ह्योगे लाबान खाबासे खाबा रेजुगुरि कापिस गेताडजुगु बासेला ग्रा पिन्जि ।

गेताडरि वडा नं. ४ ला वडाचोहो रामकुमार लामासे तामाङ समुदायला परम्परागत धार्मिक अभ्यासला लागि चु स्हेजुगु उपयोगी तासेला मुला बिबिसि पाइजि । 'ह्याइला समुदायारि केबाहेन्से डोइबा संस्कारदोना चु स्हेजुगु आरेना आतामुला । चुसे ह्याइला परम्परादा निरन्तर पिन्बारी ग्रेन राहत ताबा मुला ।' थेसे पाइजि ।

गेताडरि ल्होलो वडाला चोहोजुगु ज्ञानबहादुर लो, नवराज खड्का, रामकुमार लामा, लामा गुरुजुगु, स्थानीय बुद्धिजीवि थेन समुदायला अगुवाजुगुसे बोकिन्बा मुबा ।

बोकिन्बाजुगुसे गाउँपालिकासे लाबा होला प्रशंसा लाबान चुहाइबा गेताडजुगुदा निरन्तर पिन्बारी म्होइजेन लाजि ।

धार्मिक थेन रिमाठम परम्परादा सोना लासि स्थानीय समुदायदा हो ताना लाबा उदेश्यसे लाबा चु सामाग्री बो लाबा गेताडदा थेरि दोबा स्थानीयबासीजुगुसे ज्याबा लिंरि किन्बा मुला । पालिकासे खाबा रेजुगुरि स्यान्दो समुदायदा नोन तोबा आन्सारला सामाग्री हो लासेला प्रतिबद्धता पिन्बा मुला ।

बागमती प्रदेशसभाला गाउराइरि रामकुमार पौडेल नियुक्त



हेटौंडा, बेने २० गते । बागमती प्रदेशसभाला गाउराइरि रामकुमार पौडेल नियुक्त ताबा मुला । न्हाबिडेने प्रदेश प्रमुख दीपकप्रसाद सापकोटासे प्रदेशसभाला गाउराइरि पौडेलदा नियुक्त लाबा हिन्ना । प्रदेशसभाला सभामुख भुवनकुमार पाठकला सिफारिसरि प्रदेश प्रमुख देवकोटासे पौडेलदा नेपालला ह्युलिठिमला धारा १९५ ला उपधारा १ आन्सार प्रदेशसभाला गाउराइरि नियुक्त लाबा हिन्ना ।

नियुक्ततेन गाउराइ पौडेलसे न्हाबिडेने पद थेन गोपनीयताला ग्रानकिन्जिन्बा मुला । थेदा प्रदेशसभाला सभामुख पाठकसे पद थेन गोपनीयताला ग्रानकिन्मुइबा हिन्ना ।

चुइहाच्छा पौडेल संघीय संसदला प्रतिनिधिसभा सचिवालयरि ह्युगाउराइ पदरि गेलाचिबा मुबा । थेसे थे पदयाम १७ बेनेरि राजीनामा पिन्बा मुबा । राजीनामा स्वीकृत ताबातेन पौडेलदा बागमती प्रदेशसभाला गाउराइरि नियुक्त ताबा ग्यालाम ट्वाइबा हिन्ना । संघीय संसदरि डिस दिड सेवा लाबा थेदा प्रदेशसभाला ५ दिडदोनाला लागि नियुक्त लाबा हिन्ना ।

बागमती प्रदेश गिक्छा ग्योइकाइ महोत्सवला लागि काठुइ

धादिङ । बागमती प्रदेश गिक्छा ग्यो इकाइ महोत्सव २०८१ ला तयारी नुररि सरो कालवालाकादेतेन काठुइ थेन स्योमि जोम्ना निलकन्ठ नगरपालिकारि ताजि । बेने ३ गतेहेन्से ५ गतेदोना ताबा गेताडरि रिमाठम थेन संस्कृति लोन्पो विमल ठकुरी ग्रेनडोन्बो मुबा ।

लोन्पो ठकुरीसे ग्युइल, ग्योइ ग्योइकाइदा सार्नाछाना लाबा नुररि रिमाठम थेन पर्यटन मन्त्रालय बागमती प्रदेशला लागि नौलो थेन गिक्छा ताबासे लामा चु गेताइदा सफल ताना लाबारी सुभाह ह्विबा मुबा ।

काठुइरि लोन्पो ठकुरीसे नुरतेन सरोकार थान्बा सरोकारवाल, गेन्दुनला प्रतिनिधियुगुतेन महोत्सवला खाका स्होबा थेन मोडलकादीफरि सुभाह पिन्बा थेन चुला प्रचार प्रसार लाबाला लागि म्होइजेन लाबा मुबा ।

फोनिज बागमती प्रदेशला सोमछा महाधिवेशन ताजि



याम्बु । नेपाल आदिवासी जनजाति पत्रकार महासंघ (फोनिज) बागमती प्रदेशला सोमछा महाधिवेशनसे युवराज श्रेष्ठला चोहोदानरि छार कार्यसमिति स्होबा मुला ।

कार्यसमितिला होचोहोजुगुरि दिलबहादुर लामा थेन अनिता डंगोल (जामेकोला), ग्रेनगाउराइरि राजु नापित, गाउराइजुगुरि हिरालाल गुरुङ (गेन्दुनगत) थेन निशा गुरुङ (जामेकोला) मुला ।

न्होरचोहोरि शंकर श्रेष्ठ थेन लेखा समिति संयो

जकारि अशोक मुजुन श्रेष्ठ, होम्हि निरबहादुर तामाङ मुला बिसाम अनुशासन समिति संयोजकारि जगत तामाङ, होम्हि प्रदीपकुमार श्रेष्ठ मुला । कार्यसमितिला होम्हिजुगुरि वावुकाजी श्रेष्ठ, उद्भव कुमार श्रेष्ठ, मानकाजी तामाङ, रत्नकाजी प्रजापती, रवि महर्जन, जर्नेल घले, तेज नाछिरिङ राई, श्यामलाल लामा, विशालराज राई मुला ।

संघीय प्रतिनिधि सरस्वती श्रेष्ठ, राजेश रुम्बा लामा थेन श्याम राना मगर मुला ।

